

CYNGOR SIR YNYS MÔN

Cofnodion y Cyfarfod Blynyddol hybrid a gynhaliwyd ar 23 Mai 2023

PRESENNOL: Cynghorwyr Geraint Bebb, Non Dafydd, Paul Ellis, Jeff M Evans, Neville Evans, Douglas M Fowlie, Glyn Haynes, Llinos Medi, A M Jones, Carwyn Jones, Dyfed Wyn Jones, G O Jones, John Ifan Jones, R LI Jones, Jackie Lewis, Euryrn Morris, Pip O'Neill, Derek Owen, Llio Angharad Owen, Gary Pritchard, Dylan Rees, Alun Roberts, Dafydd Roberts, Keith Roberts, Margaret M Roberts, Nicola Roberts, Ken Taylor, Dafydd Rhys Thomas, Ieuan Williams, Sonia Williams, Liz Wood ac Arfon Wyn

WRTH LAW: Cyfarwyddwr Swyddogaeth (Busnes y Cyngor)/Swyddog Monitro, Cyfarwyddwr Gwasanaethau Cymdeithasol, Cyfarwyddwr Addysg, Ieuenctid a Phobl Ifanc, Pennaeth Gwasanaethau Oedolion, Pennaeth Gwasanaethau Tai, Pennaeth Democratiaeth, Swyddog Pwyllgorau (MEH)

HEFYD YN Neb

BRESENNOL:

**YMDDIHEURIADA
U:**

Cynghorwyr Alwen P Watkin a Robin Williams

Prif Weithredwr,
Dirprwy Brif Weithredwr,
Cyfarwyddwr Swyddogaeth (Adnoddau) / Swyddog Adran 151,
Pennaeth Rheoleiddio a Datblygu Economaidd,
Pennaeth Proffesiwn (Adnoddau Dynol) a Thrawsnewid,
Pennaeth Priffyrdd, Eiddo a Gwastraff.

Cyflwynodd y Cadeirydd, y Cyngorydd Dafydd Roberts rodd i Gyn-gadeiryddion Cyngor Sir Ynys Môn – y Cyngorydd Margaret M Roberts a'r Cyngorydd Glyn Haynes gan nad oedd wedi bod yn bosibl cydnabod eu gwasanaeth oherwydd y pandemig.

1. **ETHOL CADEIRYDD**

PENDERFYNWYD ethol y Cyngorydd Margaret Murley Roberts yn Gadeirydd y Cyngor Sir ar gyfer 2023/2024.

Wrth dderbyn y fraint o gael ei phenodi, rhoddodd y Cyngorydd Margaret M Roberts sicrwydd i'r Cyngor y byddai'n gwneud pob ymdrech i gyflawni ei dyletswyddau fel Cadeirydd hyd orau ei gallu. Diolchodd i'w rhagflaenydd, y Cyngorydd Dafydd Roberts, am y ffordd urddasol ac anrhydeddus yr oedd wedi cyflawni ei ddyletswyddau dinesig fel Cadeirydd y Cyngor Sir.

Diolchodd y Cyn-gadeirydd, y Cynghorydd Dafydd Roberts i'w etholwyr yn Ward Bodowyr ac i'r holl Aelodau a Swyddogion am eu cymorth yn ystod ei gyfnod fel Is-gadeirydd a Chadeirydd y Cyngor Sir. Cyfeiriodd at y ffaith bod y cymorth gan y Gwasanaethau Democrataidd wedi newid yn ddiweddar ac roedd yn dymuno diolch i Mrs Carys Bullock am ei chymorth. Roedd hefyd yn dymuno diolch i Mrs Debbie Jones a Miss Chloe Hughes yn y Gwasanaethau Democrataidd am eu cymorth ac i Mr Dyfan Sion a benodwyd yn Bennaeth Democratiaeth yn ddiweddar. Bu iddo gydnabod y gwaith a gyflawnwyd gan Swyddogion y Cyngor yn ystod cyfnod anodd y pandemig a'r argyfwng costau byw. Amlygodd y Cynghorydd Dafydd Roberts ei uchafbwyntiau fel Cadeirydd a chyfeiriodd yn arbennig at gael agor pabell fawr Cyngor Sir Ynys Môn yn Sioe Amaethyddol Ynys Môn. Cyfeiriodd hefyd at y fraint o gael diolch i'r Cyn-gynghorydd Noel Thomas, wedi oedi hir, a chydnabod yr anghyfiawnder yr oedd wedi'i ddiodef.

2. ETHOL IS-GADEIRYDD

PENDERFYNWYD ethol y Cynghorydd Glyn Haynes yn Is-gadeirydd y Cyngor Sir ar gyfer 2023/2024.

3. DATGANIADAU O DDIDDORDEB

Ni dderbyniwyd yr un datganiad o ddiddordeb.

4. CYHOEDDIADAU

Gwnaeth y Cadeirydd y cyhoeddiadau a ganlyn:-

- Llongyfarchiadau i Ysgol Corn Hir ac Ysgol y Borth am gyrraedd rownd derfynol pencampwriaeth pêl-rwyd yr Urdd yn Aberystwyth. Ysgol Corn Hir oedd yn fuddugol gydag Ysgol Borth yn dod yn ail.
- Llongyfarchiadau i nifer o unigolion o Ynys Môn a gwblhaodd y ras am fywyd 5k yng Nghaernarfon ar 14 Mai, 2023 a chodi arian at achosion da.
- Llongyfarchiadau i Mr Stuart Jewell, o'r adran TG am redeg Marathon Llundain i godi arian i Awyr Las – Ysbyty Penrhos Stanley.
- Llongyfarchiadau i Mr Martin Roberts o'r Adran Gyllid ar gael ei ddewis i ddyfarnu yn nhwrnamaint Nations Cup UEFA yn Sbaen fis nesaf.
- Llongyfarchiadau i Thea Scowcroft-Roberts o Ysgol Rhoscolyn a oedd yn fuddugol mewn cystadleuaeth i greu logo newydd ar gyfer Coleg Treftadaeth Caergybi – y coleg cyntaf o'i fath yng Nghymru.
- Llongyfarchiadau i Mr Alan Carter a Mr John Pritchard sydd wedi cynrychioli Clwb Pêl-droed Cerdded Cymru i bobl dros 65 oed ym mhencampwriaeth ryngwladol Cwpan 5 bob ochr y Byd yn Zurich. Llwyddodd y ddau i helpu Cymru ddod yn ail yn y gystadleuaeth.
- Llongyfarchiadau i Keith a Rhian o dîm Maethu Cymru Ynys Môn ac i Sioned a Ffion o'r tîm Teuluoedd Gwydn am ddringo'r Wyddfa, Cader Idris a Phen y

Fan mewn 21 awr a 40 munud. Llongyfarchiad hefyd i un o Ofalwyr Maeth yr Awdurdod, Alina Williams am ymuno â'r tîm i ddringo'r Wyddfa.

- Llongyfarchiadau i'r Gwasanaeth Plant a Theuluoedd ac i Action for Children am dderbyn canmoliaeth uchel am eu gwaith gyda gofalwyr ifanc yma ar Ynys Môn yn ystod seremoni wobrwyo Gofal Cymdeithasol Cymru yng Nghaerdydd yn ddiweddar.
- Dymuniadau gorau i'r plant a'r bobl ifanc o Ynys Môn a fydd yn cystadlu yn Eisteddfod yr Urdd yn Llanymddyfri ddiwedd y mis.
- Dymuniadau gorau i bawb o Ynys Môn a fydd yn cymryd rhan yng Ngemau'r Ynsoedd yn Gurnsey ym mis Gorffennaf.
- Llongyfarchiadau i bawb sydd â chyswllt ag Ynys Môn a fydd yn cael eu derbyn i'r Orsedd yn yr Eisteddfod Genedlaethol.

* * * * *

Cydymdeimlwyd a theulu, ffrindiau a chydweithwyr Ms Angela Bennett a oedd yn gweithio yn yr Adran Refeniw a Budd-daliadau.

Cydymdeimlwyd â theulu'r ddau Gyn-gynghorydd Sir, Mr Keith Thomas a Mr Eric Roberts.

Cydymdeimlwyd â Chyn-arweinydd y Cyngor, Mr Gareth Winston Roberts ar golli ei wraig yn ddiweddar.

Cydymdeimlwyd hefyd ag unrhyw Aelod neu aelod o staff y Cyngor a oedd wedi cael profedigaeth.

Cafwyd munud o dawelwch a safodd yr Aelodau a Swyddogion fel arwydd o barch.

* * * * *

Gyda chytundeb y Cadeirydd, rhoddodd y Cynghorydd Robert LI Jones deyrnged i Mr Sean Burns, a oedd wedi'i eni a'i fagu ym Mae Trearddur, Ynys Cybi, a fu farw'n ddiweddar. Treuliodd Mr Burns 12 mlynedd yn gwasanaethu fel Gweinyddwr Tristan da Cunha ac Ynys y Dyrchafael a Phennaeth Swyddfa'r Llywodraethwr ar Ynys Santes Helena. Dywedodd y Cynghorydd Jones bod Ynys Môn yn agos at galon Mr Burns a'i fod bod amser yn hyrwyddo'r ynys ble bynnag oedd yn mynd.

* * * * *

5. AELODAETH O'R PWYLLGOR GWAITH

Yn unol â Pharagraff 4.1.1.2.7 o'r Cyfansoddiad, cael gwybod gan yr Arweinydd enwau'r Cynghorwyr y mae hi wedi eu dewis i fod yn Aelodau o'r Pwyllgor Gwaith, ynghyd â'u cyfrifoldebau Portffolio:-

Cynghorydd Llinos Medi (Arweinydd) Portffolio Datblygu Economaidd;

Cynghorydd Robin Williams (Dirprwy Arweinydd) Portffolio Cyllid;

Cynghorydd Ieuan Williams (Dirprwy Arweinydd) Portffolio Addysg a'r Gymraeg;

Cynghorydd Neville Evans Portffolio Hamdden, Twristiaeth a Morwrol;

Cynghorydd Carwyn Jones Portffolio Busnes Corfforaethol a Phrofiad y Cwsmer;

Cynghorydd Gary Pritchard Portffolio Plant (Gwasanaethau Cymdeithasol), Ieuencid a Gwasanaethau Tai;

Cynghorydd Alun Roberts Portffolio Gwasanaethu Oedolion (Gwasanaethau Cymdeithasol) a Diogelwch Cymunedol;

Cynghorydd Nicola Roberts Portffolio Cynllunio, Gwarchod y Cyhoedd a Newid Hinsawdd;

Cynghorydd Dafydd Rhys Thomas Portffolio Priffyrdd, Gwastraff ac Eiddo.

6. ETHOL CADEIRYDD Y PWYLLGOR GWASANAETHAU DEMOCRATAIDD

Yn unol â Pharagraff 3.4.12.3 o'r Cyfansoddiad Penderfynwyd Ethol y Cynghorydd Keith Roberts yn Gadeirydd y Pwyllgor Gwasanaethau Democrataidd.

7. CADARNHAU'R CYNLLUN DIRPRWYO

Yn unol â Rhan 3.2 o'r Cyfansoddiad PENDERFYNWYD cadarnhau'r rhan honno o'r Cynllun Dirprwyo y mae'r Cyfansoddiad yn nodi mai mater i'r Cyngor yw cytuno arni.

8. CADARNHAU PWYLLGORAU

Cadarnhaodd y Cadeirydd ailbenodi'r strwythur Pwyllgorau y cyfeirir ato yn Adran 3.4 o Gyfansoddiad y Cyngor, ynghyd â'r canlynol:-

- Panel Penodi i'r Pwyllgor Safonau
- Cyngor Ymgynghorol Sefydlog ar Addysg Grefyddol (CYSAG)
- Is-bwyllgor Indemniadau

9. RHAGLEN CYFARFODYDD Y CYNGOR SIR AR GYFER 2023/24

PENDERFYNWYD cymeradwyo'r rhaglen ganlynol o gyfarfodydd arferol y Cyngor Sir ar gyfer y flwyddyn sydd i ddod:-

- 12 Medi, 2023 - 2.00 pm
- 26 Hydref, 2023 - 2.00 pm
- 5 Rhagfyr, 2023 - 2.00 pm
- Mai 2024 (Cyfarfod Blynyddol) – dyddiad i'w gadarnhau

10. TREFNIADAU CYDBWYSEDD GWLEIDYDDOL YN Y CYNGOR

Cyflwynwyd, i'w ystyried, adroddiad y Pennaeth Democratiaeth mewn perthynas â threfniadau cydbwysedd gwleidyddol.

PENDERFYNWYD :-

- Cadarnhau'r trefniadau cydbwysedd gwleidyddol a nifer y seddi a ddyrennir i bob un o'r Grwpiau yn unol â Deddf Llywodraeth Leol a Thai 1989;
- Bod Arweinyddion y Grwpiau yn hysbysu'r Dirprwy Brif Weithredwr a Phennaeth y Gwasanaethau Democratiaidd cyn gynted ag y bo modd os bydd unrhyw newid o ran Aelodaeth Grwpiau ar Bwyllgorau.

11. CYNRYCHOLAETH AR GYRFF ALLANOL

Cyflwynwyd, i'w ystyried, adroddiad y Pennaeth Democratiaeth mewn perthynas â phenodi i Gyrrff Allanol.

PENDERFYNWYD cytuno ar a chadarnhau'r penodiadau fel y nodir yn yr atodlen i'r adroddiad.

12. PANEL ANNIBYNNOL CYMRU AR GYDNABYDDIAETH ARIANNOL – ADRODDIAD BLYNYDDOL AR GYFER 2023- 2024

Cyflwynwyd, i'w ystyried, adroddiad gan y Pennaeth Democratiaeth mewn perthynas â Phanel Annibynnol Cymru ar Gydabyddiaeth Ariannol - Adroddiad Blynyddol ar gyfer 2023-2024.

PENDERFYNWYD:-

- Derbynn penderfyniadau Panel Annibynnol Cymru ar Gydabyddiaeth Ariannol ar gyfer 2023-2024;
- Cadarnhau y bydd deilyddion yr un Swyddi â 2022-2023 â'r hawl i dderbyn uwch gyflogau yn 2023-2024, hy:-

**Cadeirydd y Cyngor;
Is-gadeirydd y Cyngor;
Arweinydd y Cyngor;
Dirprwy Arweinydd y Cyngor;
Aelodau eraill y Pwyllgor Gwaith (7);**

**Arweinydd Grŵp yr Wrthblaid fwyaf;
Cadeiryddion y Pwyllgorau Sgriwtini (2);
Cadeirydd y Pwyllgor Cynllunio a Gorchmynion.**

- **Awdurdodi swyddogion i newid Rhan 6 o Gyfansoddiad y Cyngor (Rhestr Cydnabyddiaeth Ariannol Aelodau) i adlewyrchu'r penderfyniadau a wnaed yn yr Adroddiad Blynyddol ar gyfer 2023-2024.**

Daeth y cyfarfod i ben am 2.30 pm

**CYNGHORYDD MARGARET M ROBERTS
CADEIRYDD**